



Inatsisartunut ilaasortaq Naaja Nathanielsen, Inuit Ataqatigiit

Uran il.il. pillugu apeqqummut nr. 54-imut akissuteqaat

Naalakkersuisut uranimut il.il. qanoq isumaqarnerat pillugu Inatsisartut suleriaasianni § 37 imm. 1 naapertorlugu Naalakkersuisunut apeqquteqarputit. Apeqqutit suliassa qarfinni akissuteqarfigneqartussanngorlugit innersuunneqarput. Akissuteqaateqarneq naalakkersuisoqarfinni suliassa qarfiit allat attuumassuteqartut suleqatigalugit suliarineqarpoq.

15. maj 2013

Postboks 1601
3900 Nuuk

Tlf. (+299) 34 50 00

Fax (+299) 32 56 00

E-mail: isiin@nanoq.gl

www.nanoq.gl

Apeqquteqaammut tunngavilersuutit makkua saqqummiunneqarput:

Inatsisartut Suleriaasianni § 37 tunngavigalugu uran uulialu pillugit apeqquteqaateqarnerma (2013-26) akineqarnera apeqqutinik nutaanik pilersit-sivoq, ingammik innuttaasut peqataatinneqarnissaat eqqarsaatigalugu paa-sissutissanillu agguaqatigiittarneq pillugit. Decemberimi 2012-imi aatsitas-sanik inatsimmik allannguinermut atatillugu anguniagassatut ilanngunneqar-poq pisuussutivut pillugit apeqqutini Inatsisartunik peqataatitsinerulernissaq, taammaattumillu taakku ilanngullugit apeqquteqaateqarpunga.

Apeqqut:

- 1) Inatsisartut suleriaasianni § 37 naapertorlugu uran uulialu pillugit apeqquteqaateqarninni Inuussutissarsiornermut Aatsitassa qarnermullu Naalakkersuisup akissutigaa avatangiisinut sunniutissat Namminersorlutik Oqartussat killissaritat eqqarsaatigalugit aalajangiussaata suujumaarnersut apeqqutaajumaartut. Inuussutissarsiornermut Aatsitassa qarnermullu Naalakkersuisup ilisimatissinnaavaanga avatangiisinut sunniutaasussat Namminersorlutik Oqartussanit akuersaarneqarsinnaasut taava qanoq inissisimassanersut?**

Akissut:

Aatsitassarsiorfinnut suliassanik akuersissuteqarnissamut piumasaqaataavoq, taakkua nunani tamalaani suleriaatsinut pitsaasunut naapertuuttumik ingerlanneqassasut. Tamanna aamma aatsitassarsiorfinnut suliassaasinnaasunut qinngornernik ulorianartunik akulinnut atuuttussaavoq. Akuersaanngilluinnarnissamik politikkeqarnerup allanngortinneqarnissaa pillugu tunngaviumik aalajangiinissaq Inatsisartut akuerissappassuk, suliassanut ataasiakkaanut tamaginnut qinngornernik ulorianartunik akulinnik passussinermut maleruagassat sukumiisut suliarineqassapput.

- 2) Naalakkersuisut Kuannersuarnut tunngasunik GME-mit VVM misissuineramik tigusaqarnikuuppat? Taamaassimangippat qanoq ilillutik Naalakkersuisut siunissami aatsitassarsiorsinnaanermut akuersaarpaluttumik nalunaaruteqarsinnaappat, avatangiisinut**

**sunniutaasussat pillugit sukumiisumik paasisutissanik
pissarsisimangikkaluarlutik?**

Akissut:

Naamik – VVM-imut misissuineramik tigusaqartoqanngilaq. Aatsitassarsiorfimmu suliassaq sunaluunniit ilaatigut suliassamut immikkuullarissumut VVM-imut misissuineramik suliassap isumannaatsumik ingerlanneqarsinnaaneranut uppersarsaasumik ingerlatsiviusimasussaavoq. Tamanna aamma aatsitassarsiorfinnut qinngornernik ulorianartunik akoqartunut atuuppoq. Tamanna aatsitassarsiorfimmik pijuartussamik tunngaveqartumik ingerlatsinissamut nalinginnaasumik neriulluqartumik isumaqarnermut akerliunngilaq.

3) Naalackersuisut aatsitassat qinngornernik ulorianartunik akullit soorlu uran thoriumilu immikkut nalilersorpaat? Imaluunniit qinnuteqaatip pisorta qarfikkoortumik suliarineqarneranni assigiittut nalilersuiffiqineqassappat?

Akissut:

Akuersaanngilluinnarnissamut politikkeqarnerup allannguuteqartinneqarnissaanut, apeqqummik matuma siuliani taaneqartumik inissiisussamik, Namminersorlutik Oqartussat UKA 2013-imi tunngaviumik siunnersuummik saqqummiussissamaarput.

4) Inuussutissarsiornermut Aatsitassa qarnermullu Naalackersuisup ilisimatitsissutigaa uranimik nunanut allanut tuniniaanissaq piviusunngussagaluarpat Namminersorlutik Oqartussat nunani tamalaani isumaqatigiissutaasut inatsisitigut atuuttussanngortissagaat. Tamanna tunngavigalugu Naalackersuisut aperiniarpakka Nunatta nunataani uranimik aatsitassarsiorortoqassanersoq tunisassiarineqanngitsumik, uranilu piiarneqartoq tunisassiarineqassanngippat urani piiarneqartoq sumi toqqorterneqassava atorneqarluniluunniit?

Akissut:

Apeqqut 3-imut akissut takuuk.

5) Naalackersuisut nalunaarusiat marluk Nunatsinni uranisornermik tunngaveqartut eqqaavaat. Siulleq kikkunnulluunniit attaveqanngitsunit nalunaarusiarineqarpoq aappa danskit kalaallilu suleqatigiit nalunaarusiarigaat. Inuussutissarsiornermut Aatsitassa qarnermullu Naalackersuisup ilisimatitsissutigaa taakku nalunaarusiat saqqummersilersaarlugit imaluunniit nalunaarusiat aqqissoriarlugit saqqummersinniarlugit. Eqqarsaatersuutit suut tunngaviuppat nalunaarusiat ingerlatiinnartumik saqqummersinneqannginnerannut? Nalunaarusiat Naalackersuisup ingerlatiinnartumik allannguutitaqanngitsumillu Aatsitassarsiornermut ataatsimiititaliamut nassiunniarpai?

Akissut:

Nalunaarusiat suli nutsertinneqanngillat. Taamatuttaaq danskit naalackersuisui maannakkut isumaqatigiissuteqarfigineqarput nalunaarusiat marluk taakkua tamanut ammasumik saqqummiunneqarnissaat

ataqatigiissaarneqassasoq. Naatsorsuutigineqarpoq kingusinnerpaamik UKA 2013-imi tamanut ammasumik saqqummiunneqassasut.

- 6) Naalakkersuisoq ilisimatitsivoq uranisorneq pillugu Nunatta kujataanut angalanarluni. Naalakkersuisoq pilersarpa Nunatta sinnerani innuttaasunik uranisorneq pillugu oqalliseqarniarluni? Imaluunniit Nunatta kujataani innuttaasut kisimik taamatut periarfissinneqassapat?**

Akissut:

Innuttaasunik soqutigisaqartunillu peqataatitsinissamut ingerlatassat arlallit Naalakkersuisut ingerlatissamaarpat. Taakkua piffissap maannakkut naalakkersuisut atuuffiata ulloq 5. april 2013 aallartittup ingerlanerani ullut 100-it siullit iluanni tamanut ammasumik saqqummiunneqassapput.

- 7) Naalakkersuisoq akissummini allappoq innuttaasut akornanni annerusumik uranisornermut akerliusoqarnissaa qularalugu, ingammik Siumut Inatsisartunut marts-imi qinersinermi partiini annersanngorluni 14-nik ilaasortaateqalersimanera eqqarsaatigigaanni. Naalakkersuisoq qanoq eqqarsarpa Inuit Ataqatigiit 11-nik Inatsisartuni ilaasortaatitaqartup kiisalu Parti Inuit marlunnik Inatsisartuni ilaasortaatitaqartut "uranimut naaggaartut" qineqqusaartut eqqarsaatigigaanni. Taamatut Inatsisartuni isumaqartoqarnerup ersersinngilaa inuiaqatigiinni apeqqut avissaarutaasoq, taamaattumillu iternga tikillugu oqallittoqarnissaanik aamma pisariaqartitsisoqartoq? Naak Naalakkersuisut qinngornermik ulorianartumik akulinnik aatsitassarsiorsinnaanissamik akuersaannginnerup unitsinneqarnissaanik aalajangereeraluartut?**

Akissut:

Takuuk apeqqummut 6-imut akissuteqaat, innuttaasunik soqutigisaqartunillu peqataatitsinissamut ingerlatassat arlallit Naalakkersuisut ingerlatissamaarpat. Taakkua piffissap maannakkut naalakkersuisut atuuffiata ulloq 5. april 2013 aallartittup ingerlanerani ullut 100-it siullit iluanni tamanut ammasumik saqqummiunneqassapput. Taamaalillutik Naalakkersuisut suliaasarfimmi tassani oqaasertalersuineri innuttaasut peqataatinniarpat.

- 8) Naalakkersuisup ilimaginerarparaa uuliasiorluni qillerinissat unitsinneqarnissaannik nalunaaruteqarnini inuiaqatigiinnut ukiuni tallimani tulluuttuni aningaasaqarnikkut suliffeqarnikkullu sunnuteqarnaviangitsut. Ukiuni tulluuttuni tallimani Nunatsinni aningaasarsiornermut, inuussutissarsiornermut, suliffeqarfinnik nutaanik pilersitsinermut Sisimiunilu aatsitassarsiornermut ilinniarfimmuut tamanna sutigut kinguneqassangatinneqarpa?**

Akissut:

Aatsitassarsiornermut aningaasaqarnitta ineriartortinneqarnissaanut Naalakkersuisut nalinginnaasumik neriulluartumik isumaqarput. Naalakkersuisooqatigiinni partiit marluk Kalaallit Nunaanni aatsitassarsiornermut periusissanut siusinerusukkut suliarineqartunut tamaginnut siuttuusimmata eqqaasitsissutigissavara. Ukiuni aggersuni aatsitassarsiornermik suliaasanit aallartinneqartartussanit nunatsinni aningaasaqarneq neriulluarnartumik sunnerneqassasoq Naalakkersuisut

naatsorsuutigaat. UPA 2014-imi aatsitassarsiornermut uuliasiornermullu suliaasaqarfinni ineriartortitsinissamut periusissaq nutaaq saqqummiutissamaarpara.

9) DCE-mit qillerinermi akuutissanik atuineq pillugu nalunaarusiaasusaaq naammassineqarpat Naalackersuisup Aatsitassarsiornermut ataatsimiititaliamut ingerlateqqinneqarnissaa isumaginiarpaa? Naalackersuisup nalunaarusiaq kikkunut tamanut saqqummiunneqassasoq aamma naatsorsuutiginerpaa?

Akissut:
Aap.

10) Inatsisartut inatsisaat nr. 7 decemberip arfineq aappaanni 2009-imeersoq (aatsitassat pillugit inatsit) tassaavoq inatsit sinaakkutissiisoq. Nalunaarutit qassit ulloq manna tikillugu inatsimmik tunngaveqarlutik suliarineqarsimappat ukiunilu tulliuttuni marlunni nalunaarutit qassit sunillu imaqartitertut suliarineqassamaarpat?

Akissut:

Nalunaarusiani nalinginnaasuni aalajangersakkanik erseqqinnerusunik aalajangersaasarnermut taarsiullugu, akuersissutininik ilusiliussassanik, ilitsersuusiortarnikkut aamma guidelines-inik kiisalu atugassarititaasussanik nalinginnaasunik annertuunik aamma asimi suliaqarnermi maleruagassanik il.il. aalajangersaasarnikkut erseqqinnerusumik maleruagassiisarnerep sapinngisamik annertunerpaamik pisarnera, aatsitassarsiornermut suliaasaqarfinni suleriaasiuvoq. Sukumiisumik maleruagassiisinnaajumalluni aammalu inuiaqatigiinni ineriartorneq aamma teknikkikkut ineriartorneq ilutigalugit eqaatsumik nutarterisarsinnaajumalluni taakkua atornerqarput.

Maannamut taamaallaat nalunaarusiaq ataaseq oqartussaasut aningaasartuutaannik utertitsisarnermut tunngassuteqartoq suliarineqarsimavoq.

Aallaqqaasiullugu taaneqartutut tamatuma saniatigut akuersissutinut ilusiliat arlalippassuit, ilitsersuutit aamma guidelines-it nittartakkatsinni tamanut ammasumik saqqummiunneqartut suliarineqarput.

HS-imut (sinerissap avataani suliaqarnermi Isumannaallisaaneq aamma Peqqinnissaq) nalunaarusiap saniatigut siusippallaarpoq oqaatigissallugu, ilitsersuutit, guidelines-it aamma nalunaarusiat suut allat ukiuni marlunni tulliuttuni saqqummersinneqarumaassanersut.

Inussiarnersumik inuulluaqqusillunga


Jens-Erik Kirkegaard